

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



Diario

DI ARUBA

Bo Matutino Netamente Arubiano


AÑA 8 NO 2314

DIALUNA 20 JUNI 1988

ABONADO PA LUNA 15,00 FLS. * EJEMPLAR 0,60

DELEGACION DI ARUBA TA SALI AWE PA JAPON

KENNETH CROES A LOGRA SU META



Kenneth Croes ayera a logra lo cual e tin den su meta landando 9.hora y pico di Colony pa Tamarijn Beach Hotel.

Kenneth Croes mes no a spera di por a mira cu e tabata tin asina tanto suportes su tras. Kenneth a expresa su mes bisando cu e contratiempo nan cu el a haya tabata na salida. Mirando cu un dia promer tabata tin tempo di awa, Sr. Alfredo Pichardo a tuma contacto cu meteorologische dienst, cual a ser bisa cu deprecion tabata hopi grandi cu nan lo spera di tin un laman hopi tranquil y cu e coriente lo ta hopi faborabel, pero mirando cu e Weer a cambia ayera y tabata

varia hopi straño y cu tabata tin momento cu Kenneth tabata landa den un direccion y cu e ta bay otro direccion y a cansa su lomba hopi mes. Un cos e ta lamenta cu tabata falta di divers cu e mester a worde guia door di un boto cu ta yega hopi cerca di dje y cu e huma tabata haci malo y cu tambe e mester a tuma alimento na caminda y cu esaki a hacie malo y cu e mester a aroga, y haci su stoma bashi.

E otro problema cu el a topa riba lama, tabata ora cu e tabata biniendo direccion di dump caminda cu e huma a hacie malo. Tambe direccion di waf el a bin contra cu zeta plama

riba lama cu esakinan biniendo for di e barconan chiquito cu e mester a sali bay mas pafor pa e por a aleha di e zetanan. Yegando na e beach di Tamarijn, ora cu el a mira asina tanto hende, aunque su curpa tabata canza, el a haya mas alegria tumando contacto cu su instructor riba e boto y mirando e publico cu ta spere, a pone cu el a cuminza yora di alegria. Finalizando su desco ta dunando un mensahe na hubentud ta cu un hoben cu tin problema cu drogadiccion ta un hoben cu ta sconde pa hende intercambio cu un hoben cu ta haci deporte ta un hoben cu ta haya admiracion di hende.